



САМУРДИН

eee

«Магъарамдхуъруън район» МР-дин общественно-политический газет.
Общественно-политическая газета МР «Магъарамкентский район».

Тешкилайди: «Магъарамдхуъруън район» МР.

Газет 1951- йисалай акъатзава. № 49 (7705) киш, 18- октябрь, 2014- йис. Къимет 3 манат.

МР-дин АДМИНИСТРАЦИЯДА

РИКИВАЙ ЧАЛИШМИШ ХЪАНА КІАНДА

13- АВГУСТДИЗ муниципальный райондин администрацияда нубатдин плановый совещание кыле фена. Совещаниеда райондин администрациядин отделрин ва управленийрин руководителри иштиракна, аниз гъак1 ч1ехи са шумуд сельский поселенийрин кылеризни теклифнавай.

Райондин кыл Фарид Агмедова вири иштиракчяр тебрикна ва къеце патан рекламадин хиле къайда твадай вахт алукънавайди лагъана. Къе чна къеце патан реклама ва рекламадин конструкция тайинарун «Рекламадин гъакъиндай» Федеральный закондихъ галаз къазват1а чирда,- малумарна ада.

Гъа и месэла гыи гьалда ават1а лугъун патал гаф райондин администрациядин эцигунрин, архитектурадин ва ЖКХ-дин отделдин начальник Малик Беговаз гана. Адан информациядай чир хъайивал, отделди муниципальный районда рекламадин конструкциядин схема икъван ч1авалди я тестикъарнавач, я тук1уърнавач. Амма рекламадин конструкция гьарда вичин кефиниз к1андайвал тук1уърун ва эцигун «Рекламадин гъакъиндай» Федеральный законди жазаламишзавай кар я.

Фарид Агмедова муниципальный райондин территориядал гьарда вичиз к1андайвал гъазурнавай рекламный конструкция чирун патал тухвай к1валах бегъемсузди яз гысабна ва еридилай наразивал малумар-

на. Ада эцигунрин, архитектурадин ва ЖКХ-дин отделдивай и рекъйя сельский вири поселенийрин кылерихъ ва полициядин участковый уполномоченныйрихъ галаз сигъ алакьада аваз к1валахун истемишна. Реклама гузвай вирибуру муниципальный ихтияр къачун ва и кар патал отделдиз арза кхын герек я. Инсанриз жермеяр ийида лугъуз кичлерар гудалди, чна ийизвай къуллугърин гъакъиндай информация райондин агъалийрихъ агакьарун патал рикливай чалишмиш хъайит1а хъсан я, къейдна эхирдай Фарид Загъидиновича.

Ахпа гьар йикъан крариз къимет гунив эгеч1на. Фарид Загъидиновича райондин школайра ва аялрин бахчайра чими ийидай системаяр авай гьалдиз фикир гана. Райондин вири школайрин аялар чими классра ацукъун лазим я, и кар къайда-дикай хкатунриз ва жавабдар къуллугъри бегъем фикир тагунриз рехъ гана виже къведач, лагъана эхирдай райондин кыли.

Чпин к1валахрин гъакъиндай совещаниедал УО-дин начальник Улубег Абейдуллаеван, ЦРБ-дин кылин духтур Гъажибала Беглерован, «Культурадин отдел» МКУК-дин начальник Эседуллагъ Селимован, «Хуъруън майишатдин отдел» МКУ-дин директор Насир Ибрагимован ва масабурун информациярихъни яб акална.

2015 -
ЙИС ПАТАЛ
САМУРДИН
eee

ГАЗЕТДИН
ПОДПИСКА
БАШЛАМИШНАВА

* * *

ИНДЕКС:
6 вацра - 51406
12 вацра - 63340

Г А З Е Т
райцентрдал почтампда,
хуърера адан отделенийра
подписка ийиз жеда.

* * *

ГАЗЕТДИН КЪИМЕТ
6 вацра - 167,4 манат
12 вацра - 334,8 манат



80 ЙИС ИДАЛАЙ ВИЛИК

СОВЕТРИН Союздин Игит лагъай т1вар гун тайинарай-далай инихъ 80 йис тамам хъанва. Ихътин т1варар гунин гъакъиндай Къарар 1934- йисан 16-апрелдиз СССР-дин ЦИК-ди акъудна. Ана кхъенвайвал, Ватан патал къалурай зурба вик1егвилер, госуларстводин вилик лайихлувилер къейд авунин мураддалди тафаватлу хъайи агъалийриз «Советрин Союздин Игит» лагъай т1вар гуз эгеч1на.

1939-йисан 1-августдиз СССР-дин Верховный Советдин Президиумди Указ акъудналди, Советрин Союздин

Игитриз алава яз «Къизилдин гъед» медални гудайвал авуна. Гъа и йисан 16-октябрдиз медалдин винел патан ақунарни тайинарнай. Гъа са вахтунда уьлкведин вилик лап зурба къегъалвилер къалурай инсанриз СССР-дин лап къилин награда тир Ленинан орденни гузвай. 1934- йисалай эгеч1на Советрин Союздин Игит лагъай т1вар 12776 касдиз гана. Абурукай лап ч1ехи пай (92 процент) Ватандин Ч1ехи дяведа фашистрихъ галаз къиле феи женгера къегъ-



алвилер къалурай аскерар ва офицерар я.

Советрин Союз чк1айдалай къулхъ Советрин Союздин Игитвилин т1вар гунни амукънач. Гила Россиядин Федерацияди Ватандин вилик лап ч1ехи лайихлувилерай Россиядин Федерациядин Игит лагъай т1вар гузва.

1941- йисан 1-январдалди уьлкведа Игитвилин т1варц1из 626 кас лайихлу хъана. Абурун арада вад дишегълини авай. Ватандин Ч1ехи дяведа къалурай къегъалвилерай Игитвилин т1варц1из 11657 кас (абурукай 3051 кас телеф хъайидалай гуьгъуьниз) лайихлу хъана. Абурун арада Советрин Союздин саки вири халкъарин векилар авай, гъа гъисабдай яз, 58 дагъустанвини я.

ГЕЛЕЖЕГ ФИКИРДА АВАЗ

КЪВЕ ЙИС идалай вилик Советск хуьруьн къекъуьндал еке тренажерный зал ачухнай. Зал ачухунин мурад акъалтзавай несил сагъламди, беден мягкемди хъун тир.

И кар гъиле къуна тамамвилелди къилиз акъудай Советск хуьруьн агъали, карчи Гъажиев Рамизаз неинки са чи райондин, гъак1 къунши районрин агъалийрини чухсагъул лугъузва.

Залдиз маса районрайни жегъилар къевезва ва чпин сагъламвал мягкемарзава. Аниз къевезвай жегъилриз парталар хт1ундай чкаяр, дегишлух к1вачин къапар, гъекъ хъайила яд аладардай чкаяр, са гафуналди вири къулайвилер тешкилнава.

Зал кардик кутун патал пулунин куьмек гайи Къагриманов Заур Наримановичаз чухсагъул, лагъана Рамиз Эседуллаевича. -Гъак1 райондин руководстводини чи к1валахдиз къимет гун чун



патал гзаф важиблу я.

Дугъриданни, Рамиз хътин къегъал рухваяр чахъ пара хъанайт1а гъикъван хъсан жедай. Ихътин имаратар гзаф хъанайт1а, акъалтзавай несил куьчебанар, ичкидинни тенбекдин гуьгъуьна гъатдачир, ч1уру крадал машгъул жедачир. Абуру спортдал машгъул жедай уьмуьр сагъламди авунал желбдай. Мумкинвал авай гъар са кас ихътин крадал машгъул хъанайт1а, хуьр, район, республи-

лика ва уьлкве санлай сагъламди жедай.

Вири хъсан я, амма пашманвал кутазвай са к1валах ава. Ч1ехи и дарамат арадал гъайи Рамизаз Заур Къагримановалай гъейри куьмеқдин гъил яргъи авур кас хъанач. Ихътин крадик гъарда вичивай жедай пай кутун, дугъриданни баркаллу кар жеда.

А. АЙДЕМИРОВА.

ПРОКУРАТУРА МАГАРАМКЕНТСКОГО РАЙОНА В СУДЕБНОМ ПОРЯДКЕ ПОТРЕБОВАЛА ПРИОСТАНОВЛЕНИЯ ДЕЯТЕЛЬНОСТИ ТРЕХ АГЗС

Прокуратурой района проведена проверка исполнения законодательства о лицензировании взрывопожароопасных производственных объектов.

Проверкой установлено, что на территории района 3 автогазозаправочные станции осуществляют реализацию сжиженного газа населению без лицензии на эксплуатацию взрывопожароопасного объекта, без регистрации указанных объектов в государственном реестре взрывопожароопасных объектов, без проведения экспертизы промышленной

безопасности и составления декларации промышленной безопасности объекта.

В текущем году по инициативе прокуратуры района решениями Арбитражного суда Республики Дагестан указанные индивидуальные предприниматели привлечены к административной ответственности за осуществление предпринимательской деятельности- эксплуатацию АГЗС без лицензии.

Ввиду того, что индивидуальные предприниматели после назначения им наказания продолжили осуществлять деятельность по эк-

сплуатации АГЗС без получения соответствующей лицензии, прокуратура района в защиту гражданских прав неопределенного круга лиц 09.10.2014 г. направила в Магарамкентский районный суд 3 заявления с требованием до получения соответствующей лицензии на эксплуатацию взрывопожароопасного производственного объекта приостановить эксплуатацию автогазозаправочных станций по реализации горючих газов.

М. КАЗИАХМЕДОВ,
и.о прокурора района,
старший советник юстиции

ПРОКУРАТУРОЙ РАЙОНА ПРОВЕДЕНА ПРОВЕРКА ИСПОЛНЕНИЯ НАЛОГОВОГО ЗАКОНОДАТЕЛЬСТВА

Прокуратурой района по заданию прокуратуры Республики Дагестан проведена проверка исполнения налогового законодательства в межрайонной инспекции Федеральной налоговой службы России №1 по Республике Дагестан (далее - МРИ ФНС №1).

В ходе проверки выявлены нарушения в части несвоевременного рассмотрения заявлений о государственной регистрации прекращения физическими лицами деятельности, в связи с принятием ими решений о прекращении данной деятельности.

Кроме того, выявлены нарушения при выдаче уведомлений, подтверждающих право налогоплательщика

на имущественный налоговый вычет для предоставления работодателю.

Так, выявлены факты, когда заявления физических лиц ими не подписаны. К заявлениям физических лиц, имеющих право на имущественный налоговый вычет, не приложены в полном объеме документы, подтверждающие произведенные расходы на строительство жилого дома, договора купли-продажи квартир, передаточные акты нотариально не заверены.

Помимо этого, выявлены нарушения требований закона при возбуждении и рассмотрении дел об административных правонарушениях.

В частности, к протоколам

об административных правонарушениях не приложены акты контрольной закупки, отсутствуют объяснения лиц, привлекаемых к административной ответственности, не приложены справки о не постановке правонарушителей на налоговый учет в качестве индивидуальных предпринимателей и т.д.

По выявленным нарушениям закона прокуратурой района внесено представление в адрес руководителя МРИ ФНС №1, в которой инициирован вопрос о привлечении к ответственности виновных должностных лиц.

М. КАЗИАХМЕДОВ,
и.о прокурора района,
старший советник юстиции

ШКОЛАДИН УЪМУЪР

ДУСТВИЛИН КОЛЛЕКТИВДА

УРУЖБАЙРИН СОШ-дин коллективдикай суьгьбет аз и школа ачу-хунин тарихдилай башла-мишиз к1анзава.

1936-йисуз Уружбайрин хуьре сифтегъан школа ачуна. Адаз хуьруьн Советдин са мертебадин дараматда чка ганвай. Дяве башламишдалди хуьре сифтегъан школадин дарамат эцигиз башламишна. Амма ам эцигунар акьалт1 тавуна амукьна. Ватандин Ч1ехи дяведин йисара и дарамат балк1анар хъяй-дай парах яз ишлемишна. 1946-47-йисара хуьруьн-вийрин куьмекни галаз ирид йисандаз элкьюрна-вай школадин дараматдин эцигунар акьалт1 ар-на. 1967-йисуз юкьван уму-ми образованиедин шко-ла хъана. Алай вахтунда школа жуьреба-жуьре вах-тара эцигнавай 3 дара-матда ава, 36 малимди 213 ученикдиз чирвилер ва тербия гузва.

Школадин сад лагъай директорвиле Ярагъдилай тир Агъмедов Ибрагъим тайинарнай. Ада 1951- йи-сан сентябрдалди к1ва-лахна. Адалай гуьгьюьниз директорвал муьгъвер-ганви Ибрагъимов Къуд-рата авуна. Ахпа школадин директорвиле хуьрелди-лай тир Шагьмарданов Имиремзе тайинарна. 1994- йисалай 2011- йи-салди школадин директор-виле Эмирханова Магъи-дат Зиядиновнади к1ва-лахна. Образованиеди сиф-те камар къачур ва адан система мягъкем жезвай девирра Уружбайрин хуь-ре асул гъисабдай къун-

ши хуьрерай атанвай ма-лимри к1валахна. Чкадинбу-рукай Магъамедрагъим Гъа-жиеван, Нит1иф Гъажиеван, Насир Яралиеван т1варар къаз жеда.

Лезги малимрихъ галаз санал и школада институ-тар акьалт1арайла иниз ре-къе тур урус малимрини к1валахзавай. Полаева Нина Сергеевна, Некрасова Ольга Александровна, Триднеч На-

к1валах ийиз башламишна. 1992- йисуз Ярукъваларин ООШ-дин директорвиле тай-инарна. 2011- йисан декабр-дилай Уружбайрин СОШ-дин коллективдин къиле ава.

Адан къайгъударвал се-беб яз эхиримжи йисара школадин уьмуьрда ч1ехи дегишвилер арадал атана. Малимрин коллективдиз жегъил пешекарар атана. Школада кардик квай 9



дежда Ивановна, Гуркова Александра Федоровна ч1е-хи яшарин агъалийри къе-ни гьюьрметдалди рик1ел хкизва.

Лап хъсан инсан ва ди-ректор, педагогвиле ч1ехи тежриба авай Къазимагъа-мед Алискеровичакайни са къве гаф лугъуз к1анзава. Школа акьалт1арайла Къа-зимагъамед Алискеровичаз Советри Армиядин жергей-риз эвер гана. Аскервиле къллугъ Венгрияда къиле фена. 1977-йисуз Дагъустан-дин Госпединститут акьал-т1арайла Уружбайрин СОШ-да физикадин малимвиле

класс- кабинетар себеб яз малимрин к1валахдин ери хъсан хъана. Школадин би-блиотекадин фонд йис-йисан-давай ч1ехи жезва. Феде-ральный Государстводин Образованиедин Стандарт-дин (ФГОС) к1елунрин ц1ийи программадай к1ва-лахзавай сифтегъан школа-ди гъар йисуз ц1ийи учеб-никар къачузва. Эхиримжи к1елунин пуд йисуз «Оруж-бинский СОШ» МКОУ- дин ученикри райондин олимпи-адайра санлай 18 призовой чка къуна.

Школадин малимри ва ученикри райондин жуьре-

ШКОЛАДИН УЪМУЪР

ба-жуъре конкурсрани активвилелди иштиракзава. 2013-2014- к1елунин йисуз призовой 29 чка къуна. Месела, английсий ч1алан малим Эльвира Магъамедовади «Самый классный класс» конкурсда 2-чка къуна. Гъа и йисуз «Йисан малим» конкурсда дидед ч1алан ва литературадин малим Юсуфова Казибатаз активвилелди иштирак авунай УО-дин Гъурметдин грамота гана.

«Инсан тербияламишун» конкурсдин райондин этап-

технологиядин малим Бутаев Мирзевала, урус ч1алан ва литературадин малим Курумханова Фероза. Математикадин малим Магъамедова Назлудикай «РД-дин лайихлу малим» хъана.

Школада кружокрин к1валахни хъсандиз кыле физва. Абурун к1валахда 143 ученикди иштиракзава. Идани школадин коллективди тербияламишунин к1валахдизни лазим тир фикир гузвайдан гъакъиндай шагъидвал ийизва.



да «Педагог-психолог» номинацияда иштираккай Мелибабаева Тахминади 1-чка къуна ва адаз УО-дин Гъурметдин грамота гана. Гъа и номинациядай адакай конкурсдин республикадин этапдин призер хъана. Ада 3-чка къуна ва ам РД-дин образованиедин ва илимрин министерстводин 3-дережадин Дипломдиз лайихлу хъана.

Уружбайрин СОШ-да «РФ-дин гъурметлу малим» т1варц1из лайихлу хъайи малимарни ава. Ингъе абур: физикадин малим Гъажиев Къазимагъамед, ОБЖ-дин ва

Школадивай ам акъалт1арайбурални дамах ийизжеда. Гзафбуру школадилай гъугъуьниз к1елай кылин заведенияр акъалт1арна, абур къакъан дережайрив агакъна. Масадан гъал-агъвалдикай хабар къадай абур хайи школани рик1елайракъурзавач, адаз дат1ана фикир гузва. Ахътинбурун жергеда «Магъарамдхуъруьн район» МР-дин кыл Фарид Агъмедов, полковник Абас Къазиагъмедов, РД-дин халкъдин писатель, РД-дин искусствойрин лайихлу деятель Абдуселим Исмаилов, РД-дин халкъдин артист,

лезги театрдин режиссер-постановщик Мирзабег Мирзабеков, гзаф акъажунрин призер, Пекин шегъерда кыле феи Греко-Римский женгинин акъажунрин гимидин медалдин сагъиб Виталий Рагъимов ва Махачкъалада Дагъустандин государстводин медицинадин академиядиз к1елиз гъахънавай къизилдин медалдин сагъиб Салимат Къазиева ава.

Райондин руководстводин райондин умуми образованиедин учрежденириз къет1ен фикир гуналди школайрин библиотекайрин фондара ара дат1ана ц1ийи хъийизва, Интернетдик кутазава, школайрин ц1ийи дараматар эцигзава, авайбур ремонт ийизва. Гъа ик1, 2012-йисуз Уружбайрин хуърени 350 ученикдин чка авай школадин 2 мертебадин дарамат эцигиз башламишна.

Уружбайрин хуъруьн школади идалай къулухъни хъсан агалкъунар аваз к1валахдайдак умуд кутаз к1анзава. И кар патал школадихъ аялар неинки чирвилер авайбур ва савадлубур яз ч1ехи ийидай, гъак1 эдеблу ва хъсан кылихдин инсанар яз ч1ехи ийидай дуствилини ва тупламиш хъанвай коллектив ава.

3. БАБАЕВА,

«Райондин методикадин кабинет» МКУ-дин методист».

Шикилра: Уружбайрин школадин малимар ва ц1ийиз эцигзавай школадин фундамент

Р. ГЪАЖИЕВАН шикилар.

ПЕШЕКАРДИН МЕСЛЯТАР

ИЧИН ТАРАР ГЬИКИ ХУЪДА?

ЕМИШАР гьасилун артухарунин ериш хейлин дережада тайинарзавай килин культура ичер я. Ичин багълари чи районда чилин майданрин асул пай кьунни авунва. Алай вахтунда, вири кьуватралди хуъз алахънават1ани, ичин багълара вири бегьердин 20-30 процент пуч жезва. Гьавилай и культура хуън кьет1ен гуъзчивилик кутуна к1анзава.

Парша ва мучнистая роса азарар фад галуьдай сортар ч1ехи майданра кутуни зиянкарар йигиндиз артух хуън ва азарар туьретмишдай бур артмиш хуън патал шарт1ар яратмишзава.

Чи ахтармишунри ва к1валахдин тежрибади кьалурзавайвал, алай вахтунда ичин багьда продукциядин кьакьан ери хуъналди (95-98% чешнелу к1алубдин емишар) пестицидар ишлемишун 25-30 процентдин т1имилариз жеда. И карни бегьер хуънин интегрированный (неинки химический, гьак1 хуънин агротехнический ва биологический кьайдайралдини) система ишлемишунин гьисабдай.

Ичерин зиянкаррихъ ва азаррихъ галаз женгина агалкьун тайинарзавай килин шарт1 кьакьан агротехника я. Иник виридалайни вилик чил ери аваз гьалун акатзава. Ичин багълара гатфарихъай ва гатуз диск алай алатралди чил 7-10 сантиметрдин деринвал, зулухъай 15-18 сантиметрдин деринвал аваз гьалайла гзаф зиянкарар, азарар туьретмишзавай бур (плодожорка, пилитьщик, пяденица, шелкопряд, гьуьч1ер, парша...) терг жезва.

Тарар гьар йисуз, ери аваз, гьа жергедай яз емишар

к1ват1айдалай гуьгуьниз фитосанитарный обрезка авун чарасуз я. Ерисуз обрезкади таран хилер алай пай кьалин хуънал гьида. Гьа и карди парша, лучнистый роса арадал гьида, хенц1ер, кк1ламар ва маса зиянкарар гзаф туьретмиш хуънал, идани тарар алава яз пестицидралди гьялуни чарасузвал арадал гьида.

Эгер агротехникадал к1евелай амал авурт1а, чил ишлемишунин культура кьакьан дережада аваз хвейит1а, химический



са жерге гьялунар герек кьведач. Химический кьайдада гьялунив маса жуьрейри бегьер хуън таъминар тийизвайла бегьер пуч хуънин кьурхулувал ва тарар ядохимикатралди ва я микробиологический препаратралди гьялуни к1иметрилай кьве сефердилай гзаф алатзавайла эгеч1на к1анда. Чун фагьум-фикир тавуна пестицидар ишлемишунин пестицидрин пресс агъузари жеда.

Паршадин ва мучнистый росадин аксина сад лагъай вилик пад кьадай гьялунар апрелдин кьвед лагъай декадада киле тухуда (2 процентдин бордоский жидкость + 1 процентдин серадин ламу ийидай порошок). Паршадин аксина «розовый бутон» Скор, КЭ препаратралди

хъичирун герек я (2 мг.10 л.циз).

Цуьквер авадарайдалай кьулухъ ва вири июндин вацра, гьар 10-12 суткадилай, тарариз 1 процентдин бордоский жидкость ва ценеб яда.

Дарманар ягьунин вахтар тайинарун ва ичин плододжоркадин аксина дарманар ягьунин кьадар т1имиларун патал феромонный желеяр ишлемишда. Феромонный желейра гьатай эркекрин кьадар тарал алай зиян

хъанвай емишрин кьадардихъ галаз алакьалу ийизва. Июндин сифте килерай чепелукьар гьатун гзаф тирт1ани (са гьафтеда телефда 12-18), тарал алай емишриз хъанвай зиян 1,5 процентдилай алатзава чир, гьавилай плододжоркадин сад лагъай несил патал сад лагъай сеферда дарманар ягьун чарасуз туш. Плододжоркадин кьвед лагъай несилдин аксина тарариз дарманар ягьунин вахт шараг ягьунихъ галаз тайинарда (июлдин кьвед лагъай паюна ва я августдин сифте килерай). Багълара чепелукьари лув гуз башламышайла.

Ичин тарар хуънин система хъсанарунин рекьяй к1венк1вечи майишатрин тежрибади кьалурзавайвал, тайин тир гьар са дуьшуьшда тайин тир участокда арадал атанвай гьалариз фикир гун ва женг ч1угунин кьайда дуьз хьягьун герек я. Вучиз лагъайт1а умуми рецептар хуън мумкин туш.

Н.ВЕЛИЖАНОВ,

«Информациядинни консультациядин кьуллугъ» ГУ-дин Магьарамдуьруьн филиалдин агроном, хуьруьн майишатдин илимрин кандидат.



Дуьньядилай цлар илитна

ДИШЕГЪЛИДИН СУЪГЪБЕТ
«Исламдин государстводин» боевикрин есирда гъатай Иракдин са дишегълиди вич кюрбурукай суъгъбетзава. И суъгъбет Europevsди раижна.



19 йис хъанвай Амшадин гафаралди, 3-августдиз асул гъисабдай езидар яшамиш жезвай хуьруьз жагъадистар гъахъна. И хуьре ам вичин итимдихъ ва гъвеч1и хц1ихъ галаз яшамиш жезвай. Адан итим, Иракдин кефердинни рагъак1идай пата авай хуьре яшамиш жезвай вири маса итимар хъиз, яна къена. Ам лагъайт1а, вичин хуьруьнви дишегълийрихъ галаз есирда гъатна. Боевикри езид миллетдин дишегълияр 10-12 доллардай маса гана. Са дишегъли ц1уд итим патал тайинарнавай. Ихътин кар гъик1 гъахъариз жеда? Дишегълидал гуж гъалибун- им беябурчивал я, абур инсанар туш, гъайванар я. Абур себеб яз икъван ч1авалдини зи рик1е гъамиша кин авай», - лагъана Амшади. Ам Мосулдиз гъана, анай адавай катиз алакъна.

Есирда гъатнавай са дишегълидин руша суъгъбетзавайвал, исламистри къунвай адан дидедини вичин мобильник чилик кутуна чуьнуьхарна. Жагъадистар мукъвал-мукъвал абурув къекъвезва, эгер телефон жагъун хъайит1а, чкадал гуьллеламишзава. За фикирзавайвал, абуруз зи вахан телефон жагъанва, гъик1 лагъайта, им 12 югъ жезва ада чаз зенг тийиз», - къейдна ада. Есирда гъатнавай гзаф дишегълийри, килел алай шаларикай гъакъар авуна, чпичеб куьрсарна рекъизва, хабар гузва Europevsди.

ООН-дин делилрал асаслу яз, августдин эхирра боевикри 2,5 агъзур дишегъли ва аял есирда къуна. Ислам къабулиз

к1ан тийизвайбур Мосулда ва Сириядин Ракка шегъерда авай лук1арин базарриз рекъе туна.

Езидар- ибур асул гъисабдай Иракда (Шангал ва Шейхан районар) гъак1 Эрменистанда, Сирияда, Гуржистанда, Туьркияда ва Европадаин са бязи уьлквейра яшамиш жезвай куьрдерин этноконфессиональный десте я.

СЕРГЪЯТРИК ДЕГИШВИЛЕР?..

Вичи-вич аслу туширди яз малумарнавай Донецкий халкъдин республикадин вице- премьер Андрей Пургина малумарайвал, Луганский областдин сергъятрик дегишвилер кухтунин гъакъиндай Украинадин президент Петр Порошенкодин теклифдик гъакъикъатдив къадай са шейни квач, хабар гузва «Ц1ийивилер» РИА-ди.



«Иоур вири къецепатан уьлквейрин политикар патал ийизвай юридический къугъунар я. Абуру законралди, актарралди, политический къугъунралди къил къумада чуьнуьхзава. Вири и крар гъакъикъатдивай яргъа я. К1валах тийидай законар къабулиз жеда», - къейдна Пургина.

Адан гафаралди, Киевдивай гъихътин хъайит1ани къарарар къабулиз жеда- «Днепропетровскдин амукъяр Украинадихъ гилиг хъувун, Мариуполь областдин центр яз малумарун хътин». «Гъакъикъатда лагъайт1а, са шейни дегиш жезвач», - алава хъувуна ада.

КЪАД ТОНН ЯК КАНА

Краснодарский крайда ва Адыгея Республикада авай Россельхознадзордин управлениедин къуллугъчийри килька я лагъана Россиядиз законсуз гъизвай Европадаин 20 тонн як кана. Идан гъакъиндай «Интерфаксдиз» ведомстводин пресс-

къуллугъдай хабар гана.

Россельхознадзордин делилралди, 14 -сентябрдиз Новороссийскдин портуна Севостопольдай Новороссийскдиз атанвай пар ч1угвадай машин ахтармишна. Ам Санкт-Петербургдиз фин лазим тир.

Автомобилдин иесиди къалурай документрал асаслу яз пар ч1угвадай машинда мурк1ада тунвай килька хъун лазим тир. Амма машинда къекъвейла, чир хъайивал, балугърин к1аник Бельгиядай ва Великобританиядай гъанвай як ва як1ун продуктар к1евирнавай.

Шофердив ветеринарный ва Россиядиз як гъиз ихтияр гузвай документар гвачир.

Ахтармишунрин нетижайрал асаслу яз, продукция терг авунин гъакъиндай къарар къабулна. Як1ун продуктар Новороссийскдин патав гвай Глебовское поселоқда кана.

БОЕВИК ТЕРГНА

Къизилюрт райондин Кировоул хуьре авай к1валерикай сана къайдаяр хуьдайбуру махсус серенжем къиле тухвана. К1вале аваз хъайи бандитди полицейскийриз гуьлле гана, нетижада абурукай къвед телеф хъана.

-Жаваб яз гуьлле гайила, бандит тергна, хабар гузва террориствиллиз акси милли комитетдин пресс- къуллугъда. Виликамаз авай делилрал асаслу яз, ам федеральный розыскда аваз хъайи Къизилюртдин бандитрин дестедин активный член Алидибир Асудинов яз хъана. Бандада Асудинова хъиткъинардайдан везифаяр тамамарзавай. К1валаяй полицейскийриз хъиткъинардай шей авай 15 литрдин ведро; са шумуд шешелда авай ишлемишиз гъазурнавай хъиткъинардай тадарак жагъана. Абура 170 килограмм хъиткъинардай къаришма авай. Женг къиле фейи чкадила гъак1 автомат, тапанчи ва гранатар, хуьруьн къерехдайни лап зурба хъиткъинун арадал гъун патал туьк1уьрнавай бомба авай парарни пассажирар тухудай «Газель» машин жагъана.

СПАЙС - ЖЕГЪИЛАР ПАТАЛ ЦИЙИ ХАТАЛУВАЛ

ЧИ УЎЛКВЕДА ч1угвадай ц1ийи жуьре къаришма пайда хъанва. Адаз ухшар авай шейъ наркополицейскийрин тежрибада гилалди садрани гьалтнавачир.

Россияда къадагъа авунвай MD MB (N) BZ-F шеъинин къати бейгушди инсандин бедендиз лап заландиз таъсирзава. Ам ишлемишай инсан фад туьнт ва суст жеда, вич-вичелай фида, нефес къада.

Алай йисуз Дагъустанда гъар жуьре спайсар дуьзда ал акъудай ва вахчур 35 факт малум я. Законсуз маса гудайла 120 грамм вахчунва. Спайс маса гузвай 20 кас къунва.

Гъасилзавайбуру спайсдин атирар къенез ч1угун меслят къалурзавачт1ани, ам ч1угурла инсандиз адет туширвал таъсир ийизвайвиляй спайс- хъчарин къаришма дуьньядиз машгур хъанва.

И мукъвара Дагъустанда бедбахтвиллин дуьшуьш хъана. Махачкъаладин кве агъали залан жуьре зегьерламиш хъунин нетижада меркездин больницадин реанимациядиз аватна. Им спайс ч1угун себеб яз хъайи кар тир. Гъак1ни наркоконтролдин оперативникри Азиз Алиеван т1варунихъ галай куьчеда са квартирада ц1удралди жегъил гадаяр ва рушар к1ват1 жезвай ва спайс ишлемишзавай притон дуьзда ал акъудна. Пуд к1валикай ибарат тир квартирадин цларал гъар жуьре шикиларни ч1угунвай.

Правоохранительный органрин къуллугъчийрал гьалтзавай къилин четинвал химический жуьреба-жуьре реакциярин рекъелди и зат1унин дегишарзавай синтетический диб я. Нетижада

наркотик РФ-да гуьзчивилин списокдик акатзавач.

Дагъустандиз абур гъизвай рекъер гзаф я. Асул гъисабдай къецепатан уьлквейрай гъизва. Синтетика регъятдиз гъатзавайвиляй машгурвал хкаж жезва. Спайсдин гъар са грамм вичин уьмуьрда эхиримжиди хъун мумкин тирди садани фикирдиз гъизвач.

Спайс ишлемишзавай дуьшуьшар чи райондани хъун мумкин я. Гъавиляй гъар са кас мукъаят хъана к1анда. Шаклу шейэр, абур ишлемишзавайбуру, маса гузвайбуру акурвал УФСКН-дин отделдиз хабар гун чарасуз я.

А. ХАНАМИРОВА,

РФ-дин УФСКН-дин Магъарамдхуьре авай уртах отделдин оперуполномоченный, полициядин ст. лейтенант.

ИЗВЕЩЕНИЕ О ПРОВЕДЕНИИ СОБРАНИЯ О СОГЛАСОВАНИИ МЕСТОПОЛОЖЕНИЯ ГРАНИЦ ЗЕМЕЛЬНОГО УЧАСТКА

Кадастровым инженером **Магомедхановой З. А.** magomedkhanovaz@mail.ru, 8(8722)940068, 89285251016 № **квалификационного аттестата 05-11-94**, в отношении земельных участков расположенных по адресу **РД, Магарамкентский район Магарамкент-Ахты-Рутул км 0-км 42, НовоГалцах-Тагиркент-Ялама км 0-км 33** выполняются кадастровые работы по уточнению местоположения границ земельных участков. Заказчиком кадастровых работ является **ГКУ "Дагестанавтодор"**. Собрание заинтересованных лиц по поводу согласования местоположения границ состоится по адресу **РД в. Махачкала ул. Шамиля №15** " " " " **2014г. в " " " "** часовой **м/дн**. С проектом межевого плана земельного участка можно ознакомиться по адресу **РД в. Махачкала ул. Шамиля №15**. Обоснованные возражения относительно местоположения границ, содержащихся в проекте межевого плана, и требования о проведении согласования местоположения границ земельных участков на местности принимаются с " " " " **2014г. по " " " "** по адресу **РД в. Махачкала ул. Шамиля №15**. Смежные земельные участки, с правообладателями которых требуется согласовать местоположение границ земельных участков расположенные на кадастровых кварталах 05:10:000004, 05:10:000049, 05:10:000055, 05:10:000001, 05:10:000062, 05:10:000001, 05:10:000056, 05:10:000007, 05:10:000056, 05:10:000011, 05:10:000056, 05:10:000024, 05:10:000058, 05:10:000059, 05:10:000022, 05:10:000060, 05:10:000061, 05:10:000014, 05:10:000069, 05:10:000070, 05:10:000071, 05:10:000072, 05:10:000053, 05:10:000032, 05:10:000034, 05:10:000065, 05:10:000035, 05:10:000034, 05:10:000035, 05:10:000019, 05:10:000005, 05:10:000036, 05:10:000020, 05:10:000036, 05:10:000067, 05:10:000023, 05:10:000067, 05:10:000042, 05:10:000010, 05:10:000042, 05:10:000067, 05:10:000050, 05:10:000018, 05:10:000063, 05:10:000042, 05:10:000041, 05:10:000063, 05:10:000044, 05:10:000027, 05:10:000009, 05:10:000008, 05:10:000049, 05:10:000004. При проведении согласования местоположения границ при себе необходимо иметь документ, удостоверяющий личность, а также документы, подтверждающие права на соответствующий земельный участок. **ООО «ДКС»**

Буткъазмайрин СОШ акъалт1арайдан гъакъиндай 2010-йисуз Гъамидуллаев Абдуллагъ Зумрудиновичаз гайи 05-АБ-0002454 нумрадин аттестат квахъуниз килигна къуватда амачирди яз гъисабин.

<p>Къилин редактор А. ИСМАИЛОВ.</p>	<p>Газет Магъарамдхуьруьн райондин администрацияда регистрация авуна. Регистрациядин № 301.</p>	<p>Чап ийиз вахкудай вахт - 16.00. Чапун патал къул ч1угуна- 15.00.</p>
<p>Газет гъафтеда садра акъатзава.</p>	<p>Редакциядин адрес: Магъарамдхуьр, Ленинан куьче, 4. Телефонар: редактор- 25-1-37, жавабдар секретарь - 25-1-39, бухгалтер-25-9-69.</p>	<p>Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги ч1ал. Индекс 63340. Тираж 1280. Заказ № 49.</p>